

## REGLUGERÐ

## um lyf og læknisáhöld í íslenskum skipum.

## 1. gr.

Bátur eða skip, hverju nafni sem nefnist og skoðunarskylt er að lögum, skal jafnan hafa lyfjaskrín meðferðis, þannig búið að lyfjum, umbúðum og áhöldum og að öðru leyti svo úr garði gert, sem fyrir er mælt í reglugerð þessari.

## 2. gr.

Lyfjaskrín skulu vera ferns konar og í hverju skríni lyf, umbúðir og áhöld, eins og greinir hér á eftir.

Notkunarfyrisögn skal letra á hvert lyf, eins og greinir við hvert þeirra.

## Lyfjaskrín I.

A. *Lyf til útvortis notkunar.*

1. Joðáburður (Spiritus jodi Ph. D.) 20 g: 1 glas.

*Til sóttþreinsunar á hörundi. Áburður á bólgu.*

2. Bruna- og sárasmýrslí (Unguentum aureomycini 3%) 30 g: 1 tinbelgur.

*Við bruna, sárum og kaunum.*

B. *Umbúðir.*

1. Heftiplástur 2 sm × 1 m: 1 spóla.
2. Skyndiplástur 4 sm × 1 m: 1 dós.  
— 6 sm × 1 m: 1 dós.
3. Sáralín 15 sm × 15 sm: 5 böggjar.  
— 30 sm × 30 sm: 5 böggjar.
4. Sáralínsbindi 5 sm × 5 m: 4 bindi.  
— 8 sm × 5 m: 2 bindi.
5. Sjúkrabaðmull 10 g: 2 böggjar.  
— 30 g: 2 böggjar.

C. *Áhöld.*

1. Skæri.
2. Flísatöng.

## Lyfjaskrín II.

A. *Lyf til innvortis notkunar.*

1. Magnýltöflur (Tabletæ magnyli Ph. D.) × X: 4 glös.

*1—2 töflur í senn 3—5 sinnum á dag við sóttþitaprautum, höfuðverk og gigt.*

2. Hóstatöflur (Tabletæ codeipheni Ph. D.) × X: 2 glös.

*1 tafla í senn 3 sinnum á dag við espum hósta.*

3. Súlfatöflur (Tabletæ sulfacombini Ph. D.) × L: 1 glas.

*8 töflur fyrst, síðan 2 töflur á 6 klukkustunda fresti við lungnabólgu, blóðeitrun og iðgerðum.*

B. *Lyf til útvortis notkunar.*

1. Bensín (Benzinum medicinale Ph. D.) 100 g: 1 glas.

*Til hörundshreinsunar.*

2. Joðáburður (Spiritus jodi Ph. D.) 20 g: 1 glas.

*Til sóttþreinsunar á hörundi. Áburður á bólgu.*

3. Bruna- og sárasmýrsli (Unguentum aureomycini 3%) 30 g: 2 tinbelgir. **136**  
*Við bruna, sárum og kaunum.* 28. nív.
4. Handábúrður (Unguentum molle Ph. D.) 30 g: 2 tinbelgir.  
*Við sprungum og saxa.*
5. Benzalkonlögur (Diluendum benzalkoni 10% Ph. D.) 50 g: 1 glas.  
*10 ml (1 barnaskeið) í 1 l vatns til hvers konar sóttþreinsunar, einnig matariláta. Má ekki nota með sápu.*

### C. Umbúðir.

1. Heftiplástur 2 sm × 1 m: 2 spólur.  
— 5 sm × 1 m: 1 spóla.
2. Skyndiplástur 4 sm × 1 m: 2 dósir.  
— 6 sm × 1 m: 2 dósir.  
— 8 sm × 1 m: 1 dós.
3. Sáralín 15 sm × 15 sm: 10 böggjar.  
— 30 sm × 30 sm: 10 böggjar.
4. Sáralínsbindi 5 sm × 5 m: 10 böggjar.  
— 8 sm × 5 m: 10 böggjar.  
— 12 sm × 5 m: 2 böggjar.
5. Sjúkrabaðmull 10 g: 4 böggjar.  
— 30 g: 4 böggjar.
6. Lásnælur, ýmsar stærðir: 12 nælur.

### D. Áhöld.

1. Sótthitamælir.
2. Naglabursti.
3. Hnífur.
4. Skæri.
5. Flísatöng.

## Lyfjaskrín III.

### A. Lyf til innvortis notkunar.

1. Magnýltöflur (Tabletæ magnyli Ph. D.) × X: 20 glös.  
*1—2 töflur í senn 3—5 sinnum á dag við sóttþrautum, höfuðverk og gigt.*
2. Brjóstsaft (Liquor pectoralis benzoicus cum glycerino Ph. D.) 100 g: 5 glös.  
*1 teskeið í senn 3—5 sinnum á dag.*
3. Hóstatöflur (Tabletæ codeipheni Ph. D.) × X: 4 glös.  
*1 tafla í senn 3 sinnum á dag við espum hósta.*
4. Brjóstsviðatöflur (Trochisci magnesii silicatis Ph. D.) × X: 10 glös.  
*2—6 töflur í senn (tyggist).*
5. Kveisudropar (Guttæ rhei opiatae Ph. D.) 30 g: 2 glös.  
*40 dropar í senn við innvortis verkjum og vindi.*
6. Stoppandi töflur (Tabletæ phthalylsulfathiazoli Ph. D.) × L: 5 glös.  
*2—3 töflur í senn á 6 tíma fresti við svæsum niðurgangi.*
7. Hægðapillur (Pilulæ frangulæ compositæ Ph. D.) × X: 2 glös.  
*1—2 pillur í senn.*
8. Laxerólía (Oleum ricini Ph. D.) 50 g: 2 glös.  
*2—3 matskeiðar í senn.*
9. Sefandi töflur (Tabletæ bromisovalí Ph. D.) × X: 2 glös.  
*1 tafla 3 sinnum á dag við taugaveiklun og óróleika. 2 töflur undir svefn við svefnleysi.*

136

28. n.óv.

10. Svefntöflur (Tabletæe allypropymali Ph. D.)  $\times$  X: 1 glas.  
*1 tafla undir svefn við miklu svefnleysi.*
11. Ópiumsdropar (Tinctura opii Ph. D.) 0,50 g: 10 glerhylki.  
*Innihald 1 hylkis til inntöku við miklum þrautum, einkum innvortis þrautum. Varlega!*
12. Súlfatöflur (Tabletæe sulfacombini Ph. D.)  $\times$  L: 3 glös.  
*8 töflur fyrst, síðan 2 töflur á 6 klukkustunda fresti við lungnabólgu, blóðeitrun og igerðum.*
13. Pensilínstungur: a) Benzýlpensilínprókain + benzýlpensilínatrium (Benzylpenicillinprocainum Ph. D. + Benzylpenicillinatrium Ph. D.) 300000 + 100000 a. e.: 20 glös. b) Lausnarvökvi (Solvens ad penicillinum Ph. D.) 2 ml: 20 glerhylki.  
*1 stunga í vöðva á sólarhring við lekanda. 1—2 stungur í vöðva á sólarhring við blóðeitrun og igerðum.*
14. Niketamíðstungur (Injectabile nicethamidi Ph. D.): 5 glerhylki.  
*2 ml. stungið undir húð (eða í vöðva) við losti. 4—8 ml stungið í vöðva við meðvitundarleysi af völdum eitrunar.*
15. Sjóveikistöflur (Tabletæe anautini eg 10 DAK)  $\times$  X: 3 glös.  
*1 tafla í senn, allt að 3 sinnum á dag.*

B. Lyf til útvortis notkunar.

1. Bensín (Benzinum medicinale Ph. D.) 100 g: 2 glös.  
*Til hörundshreinsunar.*
2. Joðáburður (Spiritus jodi Ph. D.) 20 g: 5 glös.  
*Til sóttgreinsunar á hörundi. Áburður á bólgu.*
3. Súrvatn (Solutio hydrogenii peroxydi Ph. D.) 50 g: 2 glös.  
*Til að skola óhrein sár og þvo bólgið tannhold.*
4. Bruna- og sárasmyrslí (Unguentum aureomycini 3%) 30 g: 5 tinbelgir.  
*Við bruna, sárum og kaunum.*
5. Handáburður (Unguentum molle Ph. D.) 30 g: 4 tinbelgir.  
*Við sprungum og saxa.*
6. Sinkvasilín (Vaselinum zincicum lanolinatum Ph. D.) 30 g: 10 tinbelgir.  
*Við afrifum.*
7. Stráduft (Cutipulvis talci zincicus Ph. D.) 50 g: 1 strástaukur.  
*Til að strá á vessandi útbrot.*
8. Gigtaráburður (Unguentum mentholi compositum Ph. D.) 30 g: 10 tinbelgir.  
*Núist vel inn í hörund.*
9. Augnsmyrslí (Oculentum aureomycini 1%) 5 g: 3 tinbelgir.  
*Við augnangri og hvarmabólgu.*
10. Tanddropar (Eugenolum Ph. D.) 5 g: 2 glös.  
*Í baðmull í hola tönn.*
11. Hálstöflur (Tabletæe euflavini orales Ph. D.)  $\times$  X: 5 glös.  
*1 tafla í senn látin renna í munní við kverkabólgu.*
12. Gyllinistautar (Suppositoria haemorrhoidalia Ph. D.)  $\times$  VI: 2 öskjur.  
*1 stautur í senn í endaparm við gyllinæð.*
13. Lúsaduft (Cutipulvis penticidi Ph. D.) 50 g: 2 strástaukar.  
*Sáldist í fatnað og rúmföt við lús.*
14. Lúsalögur (Spiritus penticidi Ph. D.) 100 g: 2 glös.  
*Til að væta hársvörð 1 sinni í viku við lús.*

15. Benzalkonlögur (Diluendum benzalkoni 10% Ph. D.) 50 g: 2 glös. **136**  
*10 ml (1 barnaskeið) í 1 l vatns til hvers konar sóttþreinsunar, einnig* 28. nóv.  
*matariláta. Má ekki nota með sápu.*

C. *Umbúðir.*

1. Heftiplástur 2 sm × 1 m: 10 spólur.  
— 5 sm × 1 m: 5 spólur.
2. Skyndiplástur 4 sm × 1 m: 5 dósir.  
— 6 sm × 1 m: 5 dósir.  
— 8 sm × 1 m: 5 dósir.
3. Sáralín 15 sm × 15 sm: 20 böggjar.  
— 30 sm × 30 sm: 20 böggjar.
4. Sáralínsbindi 5 sm × 5 m: 30 böggjar.  
— 8 sm × 5 m: 20 böggjar.  
— 12 sm × 5 m: 10 böggjar.
5. Sjúkrabaðmull 10 g: 10 böggjar.  
— 30 g: 10 böggjar.  
— 60 g: 5 böggjar.
6. Flónelsbindi 8 sm × 5 m: 2 bindi.
7. Léreftsdúkur 1 m × 1 m: 2 dúkar.
8. Pappaspelkur 6 sm × 4 mm × 50 sm: 2 spelkur.  
— 10 sm × 4 mm × 50 sm: 2 spelkur.
9. Skinnneglur, misstórar: 6 neglur.
10. Lásnælur, ýmsar stærðir: 60 nælur.
11. Stórslysaböggull (um innihald sbr. 3 gr. D, 7).

D. *Áhöld.*

1. Sótthitamælar: 2 mælar.
2. Lyfjastaup úr gleri með mælistrikum, 15 ml.
3. Lyfjadæla, 2 ml.  
— 5 ml.
4. Holnálar nr. 12: 6 nálar.  
— nr. 15: 2 nálar.
5. Tunguspaðar úr tré: 10 spaðar.
6. Stútkanna.
7. Hrákakrús.
8. Hægðaskál.
9. Þvagglas.
10. Nelatons þvagleggur, stærð 18.
11. Gúmhitapoki, 1,5 l.
12. Naglaburstar: 2 burstar.
13. Skaftpottur til áhaldasuðu.
14. Hnifur.
15. Skæri.
16. Flísatöng.
17. Sáratöng (Listers).
18. Æðatöng (Kochers).
19. Saumnálar, stærðir 2—4: 4 nálar.
20. Silkigarn nr. 3: 5 m, sæft í sóttvarnarlegi, í glerhylki með gúmtappa og skrúfuðu loki: 2 glerhylki.

**136 Lyfjaskrín IV.**

28. nóv.

Eins og III, nema tvöfalt meira af öllum tegundum lyfja og áhalda (en af umbúðum jafnmikið).

**3. gr.**

Um gerð lyfja, umbúnað þeirra og áletrun, umbúðir og áhöld skal þessa gætt, umfram það sem getur í 2. gr.:

**A. Gerð lyfja.**

Skráð lyf skulu vera gerð samkvæmt ákvæðum gildandi lyfjaskrár og önnur lyf í sem fyllstu samræmi við fyrirmæli hennar eða viðurkenndrar tegundar.

Nú verður síðar skráð lyf, er samsvarar óskráðu lyfi, sem mælt er fyrir um í 2. gr., og skal þá hið skráða lyf koma í stað hins óskráða lyfs, enda áletrast samkvæmt því.

Þess skal gætt um lyf, sem verður óvirkt við geymslu, að það sé við afhendingu svo nýgert sem tók eru á.

**B. Umbúnaður lyfja.**

Um lyfin skal búið samkvæmt ákvæðum gildandi lyfjaskrár, en sérstaklega skal þessa gætt:

1. Fljótandi lyf skulu vera í ferstrendum glösum.
2. Töflur og pillur skulu vera í flötum glösum með skrúfuðu loki.
3. Joðáburður skal vera í glasi með þéttu, skrúfuðu loki og smurningsstautur úr gleri niður úr lokinu.

**C. Áletrun lyfja.**

Lyf skulu greinilega áletruð íslenzku og latnesku heiti, svo og notkunarfyrirsögn, eins og greinir hér að framan, og að öðru leyti í samræmi við gildandi reglur um áletrun lyfja. Þrykkja skal áletrun á tinbelgi, en ekki lima á þá miða. Á lyf, sem verður óvirkt við geymslu, skal letra greinilega, frá hvaða degi það teljist óvirkt.

**D. Umbúðir.**

Umbúðir skulu vera viðurkenndrar góðrar tegundar. Sérstaklega skal þessa gætt:

1. Sárálín og sárálínsbindi skulu vera úr bleiktri grisju, 32 þráða.
2. Sjúkrabaðmull skal vera þerrin.
3. Sárálín, sárálínsbindi og sjúkrabaðmull skal allt vera sæft og svo búið um sem tíðkast um sæfðar umbúðir í höggjum. Yztu umbúðir sárálíns skulu vera bláar, sárálínsbinda hvítar og sjúkrabaðmullar rauðar.
4. Flónelsbindi skulu vera hálfullarbindi.
5. Léreftsdúkar skulu vera úr sterku lérefti með földuðum eða heilum jöðrum.
6. Skinnneglur skulu vera úr voðfelldu skinni, er hrindir frá sér vætu.
7. Í stórslysaböggli (sbr. 2. gr. C, 11) skulu vera þessar umbúðir:
  - a. Sárálín 50 sm × 50 sm: 10 höggjar.
  - b. Sárálínsbindi 12 sm × 10 m: 10 höggjar.
  - c. Sjúkrabaðmull 500 g: 5 höggjar.

Um höggulinn skal búið í loftþéttum plastpoka með áþrykktri áletrun:

*Stórslysaböggull.*

[Innihald greint samkvæmt framansögðu.]

*Notist, er stórslys ber að höndum!*

## E. Áhöld.

136

28. nóv.

1. Sótthitamælar skulu vera venjulegir Celsius-hámarksælar.
2. Dælur skulu vera samkvæmt fyrirællum gildandi lyfjaskrár.
3. Stútkanna skal vera úr postulíni.
4. Hrákkrús og hægðaskál skulu vera úr gleruðu þjátri.
5. Í naglaburstum skulu vera burstir úr hári.
6. Skaftpottur til áhaldasuðu skal vera úr gleruðu þjátri, 20 sm  $\times$  8 sm, með lausu skafti.
7. Hnífar, skæri, tengur, saumnálar og holnálar skulu vera úr krómstáli.
8. Hnífar, skæri, sáratengur og flísatengur skulu vera 15 sm á lengd, en æðatengur 12 sm; hnífar skulu vera oddhvassir og ekki bognir fyrir odd.
9. Saumnálar skulu vera hálfbognar.
10. Flísatöng skal vera oddhvöss og til þess löguð að taka flísar úr holdi og undan nögl.

## 4. gr.

Lyfjaskrín I skal vera hæfilega stór þjaturstokkur með loki á hjörum og svo búið um, að það, sem í því er, sé sem bezt varið fyrir vætu.

Lyfjaskrín II, III og IV skulu vera hæfilega stórir trékassar, hólfaðir í sundur þannig, að hver lyfjategund sé sér í hólf, umbúðir sér og áhöld sér, og svo búið um, að sem minnst haggist við hreyfingu skips. Í stað lyfjaskrína II, III og IV má útbúa fasta skápa á hentugum stöðum í skipi, enda séu skáparnir hólfaðir sundur á svipaðan hátt og fyrir er mælt um kassana. Lyfjaskrín II, III og IV skulu vera læst með lykli og lykill í vörzlu skipstjóra eða stýrimanns, sem af skipstjóra er falið að hafa umsjón með lyfjaskrínunni.

Hvert lyfjaskrín skal tölumerkt sinni tölu.

## 5. gr.

Hverju lyfjaskrínunni II, III og IV skal fylgja eitt eintak lækningakvers fyrir farmenn, sem landlæknir lætur semja og gefur út.

## 6. gr.

Bátar og skip skulu hafa lyfjaskrín sem hér segir:

1. Róðrabátar, vélbátar og önnur skip skulu hafa lyfjaskrín I, nema þau falli undir ákvæði síðari tölulíða þessarar greinar.
2. Skip, sem hafa yfir 8 skipverja eða eru að jafnaði lengur en sólarhring í senn úr höfn eða stunda farþegaflutning milli hafna, skulu hafa lyfjaskrín II, nema þau falli undir ákvæði síðari tölulíða þessarar greinar.
3. Skip, sem hafa yfir 20 skipverja eða eru að jafnaði yfir viku í senn úr höfn eða flytja að jafnaði farþega svo að tugum skiptir milli hafna eða fara að jafnaði milli landa, skulu hafa lyfjaskrín III, nema þau falli undir ákvæði síðasta tölulíðs þessarar greinar.
4. Farþegaskip, sem ganga að jafnaði milli landa, skulu hafa lyfjaskrín IV.

## 7. gr.

Þá er lögboðin skoðun skips fer fram, skal lyfjaskrín skipsins sérstaklega athugað af skoðunarmönnum, og skulu þeir gæta þess, að það sé búið lyfjum, umbúðum og áhöldum samkvæmt fyrirællum þessarar reglugerðar. Þegar um lyfjaskrín III og IV er að ræða, skal héraðslæknir skoða skrínið og láta í té vottorð um, er lagt sé fyrir skoðunarmenn. Athugunar lyfjaskríns skal sérstaklega getið í skoðunarbók.

136

28. nóv.

8. gr.

Jafnan þegar eytt er til muna úr lyfjaskrini skips af einhverju lyfi eða umbúðum, skal skipstjóri sjá um, að viðbót sé fengin, þegar er því verður við komið, enda skal skipi ekki lagt úr höfn, þar sem er lyfjabúð eða lækni, nema þess sé gætt. Sérstaklega skal þess gætt um lyf, sem verður óvirkt við geymslu, að endurnýja það í tæka tíð.

9. gr.

Þegar um mjög stór farþegaskip er að ræða eða óvenjulegan farþegaflutning milli landa á öðrum skipum en farþegaskipum eða gera má ráð fyrir, að skipverði óvenjulega lengi úr höfn eða sigli til hitabeltislanda eða annarra staða, þar sem hætta er á sérstökum sóttum, skal taka meiri forða lyfja og umbúða í lyfjaskrín skips en annars er fyrir mælt og jafnvel bæta nauðsynlegum lyfjategundum við, hvort tveggja eftir nánari fyrirmælum héraðslæknis, er þá skal jafnan kvaddur til.

10. gr.

Reglugerð þessi, sem sett er samkvæmt 34. gr. laga nr. 68 5. júní 1947, um eftirlit með skipum, öðlast gildi 1. janúar 1956, og fellur jafnframt úr gildi tilskipun nr. 81 26. apríl 1935, um lyf og lækniáhöld í íslenskum skipum, ásamt tilskipun nr. 85 7. september 1942, um breytingu á fyrrnefndri tilskipun.

*Samgöngumálaráðuneytið, 28. nóvember 1955.*

**Ólafur Thors.**

*Páll Pálmason.*

137

27. des.

## AUGLÝSING

um notkun heimildar laga nr. 91/1955, um innheimtu ýmissa gjalda 1956 með viðauka.

Ríkisstjórnin hefur ákveðið að nota heimild laga nr. 91/1955 og innheimta á árinu 1956 með viðauka eftirtalin gjöld til ríkissjóðs:

- a. Með 100% viðauka vitagjald samkvæmt lögum nr. 17 11. júlí 1911 og síðari lögum um breyting á þeim lögum.
- b. Með 140% viðauka stimpilgjald, lestagjald og leyfisbréfastgjöld, önnur en þau, er um ræðir í aukatekjulögum nr. 40/1954.
- c. Með 200% viðauka gjöld samkv. IX kafla laga nr. 68 5. júní 1947, um eftirlit með skipum, að undanskildum gjöldum samkv. 58. gr. laganna
- d. Með 560% álagi gjald af innlendum tollvörutegundum samkv. lögum nr. 60/1939, nema af gosdrykkjum, samkv. 1. tölulið 4. kafla 2. gr. með 680% álagi, öli samkvæmt 3. tölulið sama kafla með 740% álagi og kaffibæti samkv. 1. tölulið 3. kafla með 50% álagi.

Álagið skal reikna þannig, að hver gjaldeining hækki um þann hundraðshluta, sem um ræðir hér að framan, en broti úr eyri, sem myndast við viðbót þessa, skal sleppt.

*Fjármálaráðuneytið, 27. desember 1955.*

**Eysteinn Jónsson.**

*Sigr. Klemenzson.*